

АЗБУКА ВЕРЫ




Молитвы о успехе в рыбной ловле

Молитвы о успехе в рыбной ловле

- [Апостолу Андрею Первозванному](#)
- [Первоверховному апостолу Петру](#)

Апостолу [Андрею Первозванному](#)



Первозванне апостоле Бóга и Спáса нáшего Иису́са Христа́, Цéркве послéдователю верхо́вный, всехва́льне Андре́е! Сла́вим и велича́ем апо́стольския труды́ тво́я, сла́дце поминáем твоё благословéнное к нам пришéствие, ублажа́ем честна́я страда́ния тво́я, яже за Христа́ претерпéл еси́, лобыза́ем священны́я мо́щи тво́я, чтим святу́ю па́мять твою́ и ве́руем, я́ко жив Госпо́дь, живá же и душа́ тво́я и с Ним во ве́ки на небеси́ пребывáеши, иде́же и нас любóвию тво́ею не оставля́еши, я́коже возлюбил еси́ отцы́ нáша, егда́ Ду́хом Святы́м прозрél еси́ земли́ нáшея ко Христу́ обраще́ние. Ве́руем же, я́ко мо́лиши и о нас Бóга, зря во свéте Его́ вся ну́жды нáша. Та́ко сию́ ве́ру нáшу во хра́ме Твоём испове́дуем, и Го́спода и Бóга и Спáса нáшего Иису́са Христа́ мо́лим, да моли́твами тво́ими пода́ст нам (*имена*) вся по́требная ко спасéнию нас грéшных; да я́коже ты áбие по гла́су Го́спода оста́вь мре́жи тво́я, неукло́нно Тому́ послéдовал еси́, си́це и кийждо от нас не своих да и́щет, но е́же к созидáнию бли́жняго, и о го́рном зва́нии да помышля́ет. Имúще же ты предста́теля и моли́твенника о нас, упова́ем, я́ко моли́тва тво́я мно́го мо́жет пред Го́сподем и Спаси́телем нáшим Иису́сом Хри́стом, Ему́же подобáет всякая сла́ва, честь и поклонéние со Отце́м и Святы́м Ду́хом во ве́ки веко́в. Ами́нь.

* * *

Первоверховному [апостолу Петру](#)



О, святы́й Пётре, вели́кий апо́столе, самови́дче и сота́инниче Бо́жий, всемо́щною десни́цею Учи́теля твоего́ из вод волну́ющихся прия́тый и от ко́нечнаго пото́пления свободи́выйся! Не забу́ди и нас убо́гих (*имена*), в ти́не грехо́вней погрязших и волна́ми житёйского мо́ря обурева́емых: пода́ждь нам твою́ ру́ку кре́пкую, помози́ нам и удержи́ нас от пото́пления во страсте́х, похоте́х, лжах и клевета́х. Сотвори́ и ты с на́ми ми́лость, тебе́ от Го́спода явле́нную, да не в сомне́нии и малове́рии изги́бнем. Научи́ нас, учи́телю наш, пролива́ти слёзы покая́ния, да пла́чем го́рько о дея́ниях на́ших в ве́це сем. И а́ще тво́я слёзы, в покая́ние изли́яныя, ми́лостью Своёю покры́ Госпо́дь и Учи́тель твой, испроси́ и нам, со дерзнове́нием апо́стольским, прощё́ния во гресе́ ежеча́снаго. Да ти́хое и безмо́льное жити́е поживе́м в ве́це сем до часа́, в о́ньже има́ть призва́ти нас Влады́ка Госпо́дь, наш Судия́ нелицеприятный. Ты же, о всехва́льный апо́столе, не отве́ржи во́пля на́шего и стена́ния к тебе́, но заступи́ нас пред Хри́стом, твои́м Учи́телем, да непреста́нно сла́вим Его́ милосе́рдие к нам, со Отце́м и Святы́м Ду́хом, во ве́ки веко́в. Ами́нь.